

四庫全書

集部

欽定四庫全書

集部

耕學齋詩集卷一

三

詳校官庶吉士_臣龍廷槐

中書_臣劉源溥覆勘

總校官進士_臣繆琪

校對官編修_臣莊通敏

謄錄監生_臣莊文煜

欽定四庫全書

集部六

耕學齋詩集

別集類五

明

提要

臣等謹案耕學齋詩集十二卷明袁華撰華字子英崑山人生於元季洪武初為蘇州府學訓導後坐累逮繫死於京師此集凡古體詩七卷近體詩五卷不知何人所編明史藝文志不著錄考楊維禎為作可傳集序稱華

自二十歲後三十年所積無慮千餘首吾選之得如千首云云疑即所謂千餘首者後人裒輯以傳也明之初年作者林立華為諸家盛名所掩故人與詩皆不甚著實則銜華佩實具有典型非後來偽體所能及固未可以流傳未廣輕之華贈閔中孚初度詩有同生延祐丙辰年句以干支推之下至明太祖洪武元年已五十三歲故集中詩句元代所作

為多如甲午丙申己亥庚子乙巳丙午丁未
諸紀年皆在順帝至正中惟癸丑正月風雨
中偶成一首作於洪武六年頗露悲涼感慨
之語蓋欲自附於元之遺民然已食明祿不
必作是語矣乾隆四十四年二月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

卷一百一十五
提要

欽定四庫全書

耕學齋詩集卷一

騷

歸來堂辭

有序

歸來堂者相州別駕章侯之所作也侯年踰知命即
解印綬歸奉母夫人張于茲堂此歸來所以名也侯
今七十有五斑衣白髮稱觴獻壽此天壤人間之至

明 袁華 撰

樂也汝陽袁華乃作歸來堂辭以美之其辭曰

翼翼兮新堂高明兮孔揚瞻青龍兮東下覽鳳凰兮南
翔堂中美人兮金玉其相入直承明兮近日月之清光
踰河湟兮度隴蜀歷井陘兮上太行瞻白雲兮孤飛悵萬
里兮遊子羌弭節兮縣車升斯堂兮奉甘旨斑衣兮被
被列曾玄兮濟濟舞婆婆兮稱兕觥樂怡愉兮豈弟新
堂兮翼翼旅楹有閑兮孔安且碩繁千秋兮萬年子子
孫孫兮期永保而無斁

招鶴辭

有序

玉山顧君仲璘哭母於吳興之商谿歸葬綽墩先隴
念母九泉不可復作乃築亭於神道之左遂仿蕪僊
耽故實扁曰招鶴汝陽表華為製招鶴辭三章俾歌
以招之庶幾化鶴一歸少慰終天之戚云其辭曰

胎仙翱翔兮藥珠之宮薄雲漢兮溘埃風乘火精兮自
養抱貞素兮氣內充朝扶搖兮丹丘夕裴徊兮玄圃繄
故國兮丘墟冢累累兮下土

藥珠之宮兮胎仙翱翔美嬋媛兮玄衣縞裳遲夫君兮
未來擎青田兮璫芳長夜漫漫兮宵不見日子哀鳴兮
血化為碧蕙帳空兮猿驚心旁皇兮反側

新亭兮桓桓鬱鬱佳城兮松栢丸丸疏玉泉兮交流樹
琅玕兮為樊山川綢繆兮道里阻脩陸有虎豹兮江有
潛虬胎仙翱翔兮歸休玄閭窈冥兮不可以久留

哀宋姬

有序

宋姬者肅王樞女也幼於水濱得玉印文曰金妃之

印靖康之變金主納焉或云符印之識夫父讎不共
戴天當國亡家滅之餘猶委質以求全者君子不取
也姬眅死特易事欲求其死以不死耳故屈身以侍
中櫛儻一言以覲主聽庶二帝生還雖蹈鼎鑊不憾
也主復徙二帝於五國城姬諫而主怒以匕首殺之
予哀姬之志不克信而嘉姬之死得其所夫處變而
不失常道者其惟宋姬乎其辭曰

膏吾車以北征兮遭黃龍之故城山川蚺鰐以鬱盤兮

維完顏氏之所京繫二世之雄特兮日從事乎兵革何
靖康之蒙塵兮身降庶而竄謫粵王樞之有女兮亦倖
累而在行符玉文之印讖兮充下陳兮椒房甘委命而
盡節兮羌隕身而奚益俟事機之可乘兮雖九死而不
惜胡宋祚之中衰兮徙二帝于窮山之陰昧大義而共
戴天兮荃不媿于中心陳讜言之寥寥兮矢弗從而繼
以死也何彼蒼之不鑒其忠誠兮竟捐生於匕首也噫
吁戲天乎不仁兮俾獨攬其荼毒父為虜兮國隨覆身

既死兮讎不能復謀弗克兮為大慘哀幽憤兮不平河
流湯湯兮征鴻肅肅金源兮走鹿祐陵兮拱木陳吾辭
兮弔貞淑魂其歸來兮故國

古詩

四言

費侯興學詩

并序

崑山州廟學唐縣令王綱所建記之者安定梁肅也
五季之末廢于兵宋知縣邊倣始克復脩記之者太
原王禹偁也政和迄宋季重脩者屢矣國朝元貞元

年陞縣為州置博士弟子員延祐初遷治太倉而廟
學亦廢越四十有三載張氏入吳以州治瀕海江無
以盛民而固圉也復歸舊邑今守東平賈侯某下車
首謁廟學憮然而歎曰學校者教化之本也蓋不可
一日忽踰年政成民信乃出其廩稍之贏新作戟門
及講堂撤禮殿之舊而加崇廣焉作齋廡以居學徒
則又民之輸材而為助者嗚呼若賈侯者其可謂知
所本矣詩曰維桑與梓必恭敬止況學校乎華也叅

職郡庠沐賢侯之教養觀茲輪奐實重依歸乃歷考
廟學之廢興為詩一章以美之詩曰

肇昔婁校王令綱作五季披攘鞠為叢薄火德阜隆芟
除苛虐久鬱而信聖道孔昭叢爾吳越既入王略緊邊
倣氏聿來主學庀材僦工不日而落歷宋祀三百執事
有恪於赫皇元龍飛朔漠詔陞縣為州建官錫爵置博
士員以訓以飭治遷於東民實新邑廟隨所在茲實榛
棘歲在實沈海氛梗逆復歸舊治邑廬如昨明明費侯

英傑卓犖既牧我婁民復繕我城郭漸摩煦嫗民瘼無
瘳舍菜在泮考藝問業眷茲頽圯心焉怵惕相方跡趾
爰究爰度采石于山斬木于壑工師子來乃礮乃斲乃
表脩桓重門有覺外象靈星內列畫戟中嚴禮殿既崇
且碩鳳麗于薨龍攫其角言言齊廡左右翼若橫經有
堂釋奠有樂多士遊歌有館有穀費侯戾止在泮獻酌
冠弁侏侏不吳不諠碩瞻基構昔庠今擴不有君子其
何能益嗟吁諸生夙蒙啓迪爰止其所涵泳朝夕服我

聖訓伊侯之德願侯壽考如金如石懋繼前脩永永無
斁

送秦文仲歸崇明拜祠墓詩

有序

淮海秦君德卿教授鄉里垂四十年歿而門人私謚
曰孝友先生其行述見鉄崖楊先生所為墓銘崇明
桑梓里也至正庚子高郵張君某同知州事始白於
有司列祀校官之先賢祀祠以天賜堂主李君配焉
明年春正月其子約將歸拜祠下并展三世松楸汝

陽表華追餞于婁之上而贈君詩詩曰

維秦氏先裔本顯帝玄鳥誕祥爰洎大費湯湯洪水佐
禹平治賜姓曰嬴是為栢翳下逮非子主馬汧渭厥馬
蕃息賞延于世助之土田錫以爵位自岐祖酆奄有其
地以國命氏子孫蹶蹶冉相非商從學洙泗卒業聖門
身通六藝三輔萬石漢稱循吏曰綿曰族曰舉曰系或
栖巖穴或推孝義文鳴淮海肇自觀始䟽派鹽城丁宋
之季南遷海隅相宅天賜懿自山父威儀棣棣玉立長

身清廟茂器授經於方力求源委朝斯夕斯黽勉弗替
貢于通州詩冠多士粵有仲子才德粹美肥遯居貞行
端學邃蔚彼鳳麟為邦家瑞講道鄉里垂四十載一裘
一葛不事華靡高爵榮名視若敝屣沈潜理域仁經義
緯性命道德經史傳記孜孜討論由內及外立言垂憲
先正是嗣後生小子為所矜式歿有門人孝友表溢崇
川之陽木拱墓隧揭示素履有隆斯碣偉哉張君恂恂
豈弟以仁教養以德撫字下車省俗振舉淹滯表里旌

賢風化所繫嗚呼先生匪爵而貴上陳道統乃白有司
翼翼新祠翬映泮水約承家學繼志述事兢兢業業罔
敢荒肆春雨既濡勾萌叢萃願瞻桑梓油然孝思駕言
遄歸乘桴海澨艤波砥平雲颿宵濟展墓拜祠聿脩厥
祭何以將之旨酒肥瓊言言高門列戟周衛七貴五侯
充車結駟不學亡術崇殖貨利未及百年子孫皂隸聞
先生之風胡不少媿滄溟滔滔奔流東駛有如秦氏世
澤罔既於千萬年祀事不墜我作歌詩昭示來裔

武陵小隱

武陵者何婁市之梁也小隱者何史君仲先之所居也居市而曰小隱者何謙辭也賦詩者何美之也詩曰

小隱山林大隱廛市奚論小大惟適所止貞哉仲先如金如玉隱居行義不志於穀武陵之南婁水之陰有宅一區巖邃靖深其中何有有琴有瑟亦有圖史積之秋秋井冽寒泉林實嘉橘芬敷沃若清陰滿室匪樹之茂

乃德之殖其心孔仁其門多疾既隱于市又隱于醫施
不責報維先哲是師我作歌詩以詠以吟願堅素履永
播徽音

趙氏一瓢春軒

齋居如壺迥非人間傲睨太虛心超古先霽月光風湛
然天真維趙顏子一瓢之春

顧仲瑛栖禪小象

倚與若人青年偉才鬪雞長樂走馬章臺歸來丘園高

風絕塵冥栖遠蹈唯務光是倫矯矯虎龍風雲翕從陳
情退避于北山中中歲慕道閱經律論員顱方袍指心
見性有田一成有宅一區壺觴圖史足以自娛雲山蒼
蒼松籟謖謖雲臺炯然不假模貌

耕學齋詩集卷一

欽定四庫全書

耕學齋詩集卷二

明 袁華 撰

古樂府

塞下曲

積雪深沒脰銜枚夜出關奇兵分三道已奪紇干山

襍言

君心如皦日妾心似明月永願承清光緊須嘆圓缺

采菱曲

蘭舟蕩湖陰采菱湖水深
願持花作鑒為照阿儂心

涼夜曲

玉枕木犀牀桃笙截翠方
鳥啼驚夢覺涼月下回廊

木有蟲

木有蟲聲簌簌嚙木為糧
穴木為屋風雨不漂搖淫淫
飽淹育獸罹網羅魚毒食餌
木中之樂那可擬爾蟲慎
勿使穴穿穴穿身露集螻蛄
啄木飛來不貫汝

黃鵠曲

送朱某之膠州乃祖清開海漕

黃鵠兮黃鵠金衣兮鞠裳銜粟渡海致帝鄉有雛有雛
羽翼長曾隨鳳凰集明堂曉栖上林樹暮下建章宮俯
眎燕雀搶榆枋高飛遠舉天門翔天門翔羽肅肅吁嗟
乎黃鵠

春夜樂

次韻鐵崖先生

蟠螭歆燭蘭缸紅神仙小女乘青龍鳳麟膠絲光瑩蠟
雁泣驪珠落銀甲鸞刀截肪五鼎烹紫微露瀉玻璃罌

雙蓮飛觴左右行
感君恩重甘結纓
紅玉花房璫瑁柱
錦帷屏暖春為主
天雞喔喔鳩喚婦
梨雲散作巫陽雨

鶯啼曲

麴塵波點楊花雪
紅褪薔薇衆芳歇
曉風寒透越羅裳
離鸞孤舞瑤臺月
牕外一聲黃栗留
綠陰如海樹樓樓
嫁得蕭郎輕遠別
千金結客帝王州
前年郎去鶯出谷
去年書來客已蜀
鶯啼花落又今年
鴈柱愁調合歡曲
黃蜂蜜滿鶯哺兒
鶯鶯隨母遷高枝
願郎作官向京兆

歸聽鶯聲親画眉

遊仙詞

壽鐵崖先生

鐵崖啟靈秀紫虛植仙宗
顰詠登太霞八鸞韻雖雖東
華命考籍玉檢芝泥封
飛行帝青上雲車扶蒼龍

楊君金庭彥按部昆侖丘
左攬鳳凰轡前驅龍虎輶
轟雷歎小鐵河傾漢西流下
眎臭腐輩尸行不知休

九華有真妃乃是安
鬱嬪學真龜臺館擢秀牛河津
丹章閱神虎餐霞啜日根
飈輪宴七景雲轡躡三辰
下邁

楊君家冥分締良姻既忻對景好夙契心所親奚必輕
中接塵勞穢七神

西池蟠桃子一實三千年翠羽銜瑤花雙飛凌紫烟阿
母啟玉齒笑頽老鐵仙鐵仙青藜精主司文昌權不比
狡獪兒滑稽稱世賢

楊柳枝

送燕彥剛奉母入汴

楊柳枝春江曲千縷萬縷搖新綠柔條不解繫蘭橈相
逐遊絲向天北兒郎去未歸數徧江頭樹憂心如搖旌

縣縣逐飛絮絮飛葉成陰猶能庇本根嗟彼遠行子胡
為不思親枝上靈禽噪晴晝鶴髮倚門屢搔首綵衣南
歸拜堂下持觴起舞歌楊柳母樂洩洩子樂融融不比
楊柳枝零落同秋蓬母子歡樂情無終嗚呼母子歡樂
情無終

搗衣曲

涼風被疏桐一葉下井幹夜氣徹虛宇露華凝微寒耿
耿脩月光流暉入重闌中宵抱孤影晤昧發永嘆良人

遠行邁守邊向三韓眷茲秋冬交感時不遑安含嘖理
篋笥紉補在苟完層波展東絹積雪明齊紈霜砧迭逸
響餘音徹雲端粉題流素汗鴈足焚膏蘭攄鍼秉刀尺
剪裁心悽酸縣知肥瘠何想像縫中單制成遠寄將緘
封涕洟瀾願酬報國心努力勤加餐

河之水

河之水流瀾瀾出崑崙導熊耳踰龍門激吕梁吾不知
其幾千里但見濁浪溷渥東馳入海日夜去不已奔湍

水澆澗斷岍石碕礧北風揚沙雙目眯一夫操舟衆夫
樣長年百丈上急洪十步趨前九步止蒲伏力爭磨旋
螳戲馬臺傾進履橋圯芒碭雲飛大風起漢楚英雄俱
已矣吾聞千年一清聖人生聖人臨御河當清河之清
萬方寧萬方寧歌昇平

驅車篇 送瞿惠夫鎮江學錄

驅車聲轡轡駕言適朱方揚旌羽旂翠縶弓韞在房褰
帷覽河山飛蓋度康莊行矣闡文化天子正當陽

西北有高樓

西北有高樓飛甍與雲浮
曉寅暘谷日暮挹崑崙
秋仙子下黃鵠美人行
玉舟紫鸞雙度曲涼月在簾鉤

門有車馬行

門有車馬客繡轂夾朱輪
玉鞍光照路翠蓋影搖春
高堂翼翼雲承宇燕蹴飛花
落紅雨升堂酌酒壽翁媼
吳娃歌飲楚女舞願翁多子
仁且武執戟明光奉明主
明珠白璧安足數

驄馬驅

公子驅驄馬趨朝非冶盤
金裝鹿盧劍玉刻鏤衢鞍曉
刷滄溟上暮秣燕雲端
萬里起跬步那知行路難

清秋曲

次許彥溫都司韻

風雨滿城生薄寒
瑣窻烏啼夜將闌
深閨驚秋思寄遠
金刀玉尺裁中單
烽埃漲天白日暗
坐使綠髻成凋殘
良人戍邊歸未得
長林蕭蕭楓葉乾

金屏曲

次顧玉山韻

蜀絲步障圍雀屏銅槃膩蠟光晶熒雲旗翻月招湘靈
蘭芽玉茁春娉婷寶釵翠滑歌雙燕鵲別鷺離訴恩怨
璠卮血漬燕支片牽挽飛光為花勸青蛇電掣星流虹
鯨呿鰐擲趨羣龍冶郎斷纓滅銀燭肉臺碎觸連枝玉
海塵愁吹桃李容洗粧並入華清宮羅衣蟬翼繡芙蓉
粉汗紅香飄蕙風玳珠撒地誰先拾露寒銅掌金人泣
芳卿寄謝無蹤跡東方煌煌太白出

小柳詞為鐵崖先生賦

小柳十三餘臨池解學書扇描金孔雀水滴玉蟾蜍一

半臂蘆花白中單杏子紅惱公何限思春水画橋東二

解製烏紗帽能唱白銅鞮飛花雖作雪密葉自成蹊三

度得嬉春曲金籠語雪衣不同雙燕子去逐野鶯飛四

洞庭三萬頃君山一點青道人橫笛過獨許柳枝聽五

獨酌謠

晉王敦宋王安石不飲人以奸邪目之淮海秦約作

獨酌謠邀予同賦故及之

獨酌一壺酒獨酌樂天真又何須撞鐘擊鼓秦謳趙舞
列鼎坐重茵天地作蘆廬日月為戶牖陰陽作朋造化
為友不願白玉縣腰間不願黃金繫肘後但願年豐四
海清日月沉醉無何有獨酌有真趣可惜少知音清風
明月蛙鼓吹仰天浮白鳴鳴吟獨酌誠可樂撫事愁彌
深長歌拔劍舞渾脫壯氣激越秋陰陰君不見東家積
錢與斗齊美人如花白玉題一朝禍起口仰藥紅顏散
作他人妻悔不日日獨酌三千卮又不見王敦不飲愷

殺婢安石固辭司馬醉萬古垂名在簡編酒邊已蓄奸
邪意

花遊曲

次韻鐵崖先生招張貞居遊石湖

暖雲霏霧搖空濛遊絲弱絮縈柔風木蘭載春石湖裏
呼弄璫英掬春水鐵龍飛霜招羨門鸞旌小隊青霓裙
凌波雙飛動塵步冶情漫憶鴛鴦墓蹋春撾鼓能幾來
便須一飲三千盃血色蒲桃凝冰盃鬱輪袍催紫檀板
雲旗縹緲青鳥西口銜紅巾絨舊題璫林宴中探花使

骰子逡巡賜緋四醉攜紅袖寫銀箋不數公子花遊篇

龍王嫁女詞

海霞蒸紅電光紫洞庭女嫁涇陽子帝將鱗車三百兩
阿香驅雷投雙鯉冷光青熒紫貝闕玉綃淚染鮫珠血
天瓢翻鬣白馬嘶合歡杯吸鯨波竭兒郎燒尾負山走
神龜持書報髯叟魚鱗屋深人未知珊瑚鉤繫湖邊柳

織錦曲

繡帳錦流蘓畫閣金琅璫短機未成匹愁隨秋夜長綵

鳳銜梭動織體萬葉千花勞素指海枯石爛此心存比
翼相栖木連理

雞鳴篇

素魄欲墜地啓明初上天攬衣出門望雞鳴高樹顛一
聲海色動載啼朱斗旋三唱車既牽征途何渺綿喈喈
復膠膠去騎何聯翩車中者誰子東吳美少年讀書碧
窓夜起舞淡幽玄宜效五陵俠金距鬪東阡行行向何
許言往鍾山孺金馬雲中聳蒼龍闕角懸雞人起呼旦

待漏禁門前矯首思君子長哦風雨篇

吳儂謠

四座且勿喧聽我歌吳儂二月春澹沲桃杏連村紅壺
酒操豚蹄太守出勸農所忻風雨時擊壤歌屢豐榆火
發新燧柳烟散輕風條儂墻下桑浸儂水中種穀雨儂
播種盈疇綠葺葺四月五月交移秧向田中手龜指流
血壁立環堵空野菜襍糠粃饑腸豈能充八月官倉開
新穀不得舂晚禾穗離離大風來自東搖落滿區畝太

息心忡忡收穫將上場伍長追呼忙荷鋤攜畚耒何暇
別耶孃言開白茅港兼程冒嚴霜州官點儂名里正與
儂糧夜投草中宿重趼脚成瘡昧爽起負土夜繼燈燭
光千夫百夫長程度施鞭榜里胥至儂家催糧入官倉
況無弟與兄有米不得將吞聲語哽咽獨立野徬徨朝
行河隄上暮宿河隄傍隄泥漸高所積如山岡儂力
日已疲河水日可航古者兵出農耕戰固其常屯成種
黍稌實作儂保鄣儂來敢生怨儂謠遂成章儂願干戈

息四海為邊疆銷兵作錢鏹老作太平氓

端陽曲

次許彥溫都司韻

蘭湯試浴銅龍吐美人髮髻釵懸虎竹粉吹香撲燕泥
猩紅血點流花雨絳紗籠肉蟬翼輕木難絡臂如珠櫻
赤靈符佩練囊小宛轉中鎖相思情鎮東大閱臨細柳
甲光照曜狻猊口金僕姑穿楊葉飛帳下酣呼急傳酒
鑾輿北狩龍沙長橐它鼓鳴白日涼侍臣萬壽獻天子
紫霞玉醴浮昌陽

瑞蓮曲 為海虞趙實甫昆仲賦

芙蓉花並蒂芳皎若羸氏女雙騎紫鳳凌風翔趙家好
兄弟顏色似花美惻惻同袍念肯逐秋霜委露葉淨如
拭照映羅衫色雙花衰榮自有時白頭弟兄難再得

小遊仙

青旄節衛翠雲輶按部東行過赤城龍女遺珠雞卵大
結為雙佩賜方平

發軔朝從麇鳳洲五城弭節宿昆丘蕭郎吹得參差玉

更約飛璫十二樓

驚胎磨脯侑璫卮
五色雲旗阿母期
樹上蟠桃如斗大
休令狡獪小兒知

樓觀岩堯白玉京
雲房中有董雙成
璫漿百斛那解飲
要學叢簫作鳳鳴

帝京篇

金陵佳麗地
神京鬱巍峨
帝車環紫極
閭道近銀河
日上觚稜迴
雲生象魏多
五侯車接轡
七貴騎鳴珂
柳濕

烏衣雨花明太液波曲臺新講禮秘監舊書戈蜀郡王
褒起梁園枚乘過得賢陳雅頌平虜進饒歌太史金為
匱司儀翠飾犧禮成蒙顧問簪筆立鸞坡

汎舟橫大江

之子遠行邁汎舟橫大江日華動蘭漿山色上篷牕遐
覽意有在壯遊心未降手揮如意一腰佩玉環雙臨流
莫嗟逝錦衣還故鄉

搗衣篇

送史仲先遊淮東

碧梧葉落黃鞠開邊風蕭蕭鴻鴈來夫君結客向淮楚
無衣禦寒良可哀強將垢敝和灰澣湖解臨流呼女伴
雙杵搗砧空外鳴寧憚手龜筋力憊火然金斗熨帖平
紵鍼補綴對短檠歸期遲速未易卜綫長絹短勞經營
明年四月蠶上薄繅絲盈車手親絡香羅斷機白雪明
裁作春衣寄郎著郎無厭故惟尚新新衣故衣皆妾紵
笑看牆角砧杵棄郎衣錦袍歸拜親郎衣錦袍歸拜親
有金不戲桑間人

遊僊詞次韻

金色烏啼若木東
弱流沉羽直疑空
飈輪不用青鸞御
萬里飛行一瞬中

貝闕瑤臺護絳雲
玉階露氣曉網溫
真妃去校東華籍
縫絡明珠火澣裀

一塵隔斷聖凡分
飛步何煩倩鍊君
雍伯俗緣猶未絕
尚攜王子去耕雲

西池燕罷玉桃春
新製龍綃穩稱身
欲借胎仙三百騎

衆中誰是衛夫人

曾從子晉客金庭洞室巖居已遍經授得餐霞輕舉術
清齋底用覓芝苓

長爪靈姝身姓麻飯炊巨勝酌松花蓬萊三見波清淺
盡詫芳年始破瓜

齋房夜降九華仙異域香嬰一縷然寫竟丹章題錦軸
玉清神虎內真篇

坐騎赤鯉挾琴高瑞玉新治小並桃笑指積金峯下路

醉吹尺八聽松濤

神仙黿負過西瀛萬里洪波頃刻清使物主方咸不驗
却憐漢武事文成

冥緣夙契接佳期慚愧西成是我師
碧柰花開青鳥語
洞房相對坐彈棋

紫荆曲

有序

予友費君舜臣其曾大父榮敏公大父江夏侯父宣
城君皆著名當代宣城君宦遊西江舜臣嘗學禮於

余復卿先生之門遂脫去狗馬紈袴之習名聲藉甚
薦紳聞生二子子壯各有室一旦分財異居君歎曰
不能教以義方者我之責也呼三子立堂下而詔之
曰夫木由萌蘖以干雲霄本之固也水由涓流以匯
湖海源之深也然本撥則枝枯源涸則流竭此理勢
之必然若不聞田氏之紫荆樹乎三子乃幡然悔過
復同居以事君如初汝陽袁華為製紫荆曲三章以
為費君壽云

紫荆樹花離離光榮何芬敷雨露之所滋百年龍葱翠
羽蓋費家子孫培植之

紫荆樹葉翳翳根既撥葉乃悴費家兄弟復同居華鄂
相輝似唐棣

紫荆樹枯復榮華開韡韡當中庭折華起舞壽雙親懿
哉費家之弟兄

春草詞

泉南陳彥廉氏少孤作堂奉其母莊以居名之曰春

草為賦春草詞六解

堂上綵衣斑戲舞娛親顏俯看堂下草生意待春還

一右

春還芳草碧子長賴母力草色有枯榮母恩無終極

二右

嚴霜催老幹弱蔓緣孤根春至清陰滿難酬雨露恩

三右

薰風被荃葛兒衣衿絺綌一縷與一絲咸自母手續

四右

既無池塘夢肯作王孫遊願身化為草根葉鎮相繆

五右

主婦能調饌升堂具旨甘草蔬郎自飯舉案對宜男

六右

蹋鞠篇

治家兒女髻偏梳教坊出入不受呼
威金小鞦飛雙鳧
飛雙鳧曳雙袂玉圍腰珠絡臂

柳風吹雲袞香綿六銀繡花明月圓
湘波盈盈動金蓮
動金蓮汗霑粟展鮫綃鳴玉

女郎娟娟柳腰肢錦文嬌束金芙蓉
玉纖團雲傾紫絲
傾紫絲躡羅袖蹴花心為郎壽

香輪小鞦戎葵丈官場蹋起齊青雲
綵結門縣月為門
月為門攬身過五花團天上墮

湖州竹枝詞

月子灣灣照船頭
阿儂聽我唱湖州
儂心不似雙谿水
纔出城東各自流

荷葉浦北菱湖東
清谿曲曲與天通
莫將鐵笛弄小海
大風倒捲馮夷宮

黃姑浣花織錦衣
留郎不住送郎歸
一色銀河三萬里
手攜石子是支機

漚波春漲膩如油
坐看青山船倒流
桃花欲開杏花落

打鼓吹笛上杭州

西湖竹枝詞

儂家少長住西泠門對裏湖蓮葉青妾心如藕絲不斷
郎意忽作隨波萍

山上有山未還家日日望斷金犢車湖陰剩種宜男草
直待郎歸始著花

南山起雲北山陰暮暮朝朝晴未深公荷拳似小兒手
雖不成蓮已有心

昨夜憶郎開綺牕
平湖月白水如江
妾似兩峯日相望
縱有飛來不作雙

耕學齋詩集卷二

欽定四庫全書

耕學齋詩集卷三

明 袁華 撰

五言古詩

至正乙巳紀興

炎精罹阨會新都肆奸媮竊權造符命居攝倣伊周甄
阜主擊斷王邑叅謀猷殺子墮三綱進女位長秋金匱
授神禪即真成篡謀民心本思漢天意終眷劉二八火

為主龍奮南陽秋發兵捕不道前騎驅旄頭一鼓入長
安尚阻漸臺流周還威斗柄按式審休囚傳首詣宛下
黔黎起歌謳帝王有真數智力焉能求區區事譎詐萬
古徒貽羞

揚雄莽大夫陶潛晉處士校書天祿閣歸耕柴桑里陶
情綠酒傾準易太玄擬文章既雄世出處多殊軌直書
義自見珍重子朱子

朱樓臨大道盡戟列高門問是誰人第疏封兩國尊任

俠若孟公養士擬平原客踞明珠履宰脰封熊蹯長兒
尚公主中子守名藩睥睨仇讎報誅求鄉里怨一朝被
流放不得窺田園富貴如浮雲飄散豈常存階有蒿萊
長門無車馬喧鵲鷦鳴廢井鼯鼠上頽垣豪華易凋歇
往事那可論空餘乞墻者猶是俠王孫

閭閻輕薄兒掉臂起亂離捐生取功名徇財忘險巇魚
麗朝結陳肉薄夜登陴論功秉節鉞干城羅虎貔玉刻
鹿盧劍翠織螭弧旗燕馬飽芻豆韓盧厭肉糜晏安懷

醜毒富貴履危機飛言起不測車裂徇其屍空令行路
人感慨興嗟咨所以昌黎翁為賦召南詩

城西有冶女被服何姍姍白玉搔頭鳳黃金鬋髻蟬肌
膚若冰雪標格擬神仙不聞傅姆教自擇心所憐俠遊
者誰子東家惡少年椎埋白日內剽擊大道邊目成如
宿約竊出夜私奔託身不分明色衰中棄捐男兒慎出
處景行當勉旃貞哉宿瘤女千古稱其賢

蒼龍何煌煌芒角在東方感時耿無寐起視夜未央晨

興糞田疇灑流固隄防穀雨扇條風負耒欲分秧立苗
本欲疏薶鉏芳與稂耕耘不鹵莽所報千斯倉豈惟田
畯喜婦子亦洋洋嚴霜降中野黍稷登圃場上當輸國
賦下以充餽糧于斯祀先農擊鮮羅酒漿飲福既賜胙
再拜奉親嘗願親彌壽考黃耆膺天慶

嚶嚶黃鳥鳴莫莫柔桑黜行行抱懿筐摻摻出素手長
條手難扳卑枝鉤可取摘遲蠶苦饑姑嫜望來久惟願
繭如山縲絲易升斗號寒固未免輸官安敢後輸官庶

有餘染絲作長綬蕭闕夫戍還黃金印縣肘

燕燕羽差池雙飛復雙止朝從舊主歸暮將舊巢理巢
完乳我雛寧辭汙泥滓雄飛去不返雛長各他徙孤鳴
芹塘中獨宿杏梁裏蒲柳風淒淒蒹葭露泥泥紅縷繫
將離變彼玉京氏別來隔黃壚飛投墓門死禽鳥尚有
知人胡不循禮

天天原上桃濯濯園中柳商飆颯然至榮華變衰朽青
年不努力白髮條盈首身後千載名生前一盃酒歸與

東曹掾還為蓴鱸否

人生居世間弱草輕塵胡為事微利汨汨疲精神牙
籌較錙銖會計夜達晨黃金積成埒焉能葆吾真題湊
錮三泉繫裡亦掩身貴賤同一死感慨為酸辛不同草
木腐予懷古其人

過張子英閒止齋閱法書名畫

步出甘泉坊始得閒止齋雖迫市中襟頗愜靜者懷閱
架發古秘展玩心所諧方忻晝晷永適際風日佳疏花

鄂鞞鞞好鳥鳴啾啾回策古城隅叢祠臨水涯喬木暝
烟合遙峰夕嵐霾寤歌遂成章聊以慰離乖

郊居

郊居旭日旦草木發華妍沃壤潤含雨芳林澹浮烟飛
鳴變新聲游泳戲清漣所忻氣候和那計節序遷逍遙
城闕中放浪江浦邊曉從鋏塘去暮向樊邨還上懷舞
雩詠下擬歸田篇宴安古所戒躬耕樂天年

野航軒雅集分韻得秋字

今日有佳景野航俯清晏
酒從碧筩瀉烟向博山浮
長林樹陰密方池水氣秋
蟬依疎葉語魚唼落花遊
睽離獲良覲飛光為遲留

題金人校獵圖

朔風吹驚沙樺林葉爛
凋獸肥馬驍雄校獵出天
山曉踰黃龍塞暮過居庸
關驛弓金僕姑寶刀龍爵
鏤駕鵝天際落小隊磧邊
還

題碩玉山摘阮小像

卷三
夫君青雲姿逍遙在丘園冥心絕遐想燕坐息衆喧攤
書白石上摘阮青松根乃非竹林叟似是醴陵孫

題顧玉山讀道書小像

靈岳聳層霄瑤館開金鄉若人秉昭質守一修洞房呼
吸龍虎氣嗽嚙日月芒龜闕西瑤臺中有明光章下授
小兆臣玉檢鸞回翔稽首校隱文琅函耀霞光絳蕉承
寶露肉芝冒玄霜采掇充服食味傾金梨漿逍遙澹無
為壽期穹壤長

宿承天寺方丈分韻得深字

朝遊雙峨陽暮宿雪堂陰月落踈鐘度霜寒清夜深談
玄析奧義觀妙徵素心白業儻可修攢眉重相尋

賦得江上女

蓀橈送桂旌沿洄多冶情扳條約翠袖掬水弄瑤英清
吹隨風度纖腰束素明家居白下里夫戍洛陽城明光
朝執戟細柳夜分營許國承恩重忘歸念妾輕貞心似
江水朝夕向東傾

題松崖圖

青山上無極白雲冠其顛
旭日照高林丹碧何鮮妍
中有學仙者冥栖遺世緣
天風鼓海濤和以朱絲絃
斲苓采白石汲澗煮清泉
揮手謝時人飛行凌紫烟

嘉樹軒分韻得報字

艤舟綽山陽重湖水澄浩
百年植嘉樹森列若旌纛
眇茲亂心曲觸景起哀悼
酌泉薦蘋蘩再拜酌神道
嗟哉撫育恩罔極何以報
願瞻白雲飛回翔復高蹈
散策日

未昏微懷寄幽討

題丘克莊敬雲樓

層樓照宏敞大澤起絀緼容容上承宇
霽霽度微芬思親惜流景懷土念離羣
拄笏延清賞西山未夕曛

寄顧玉山

窮櫺坐風雨泥涂寡來輶麴生不我即
何以寬離憂梧桐漸凋落蟄蟲尚喧啾
感時發長歎懷人動遐愁空持菊花詠
悵望楚天秋

題張復初所藏倪雲林畫

春草藹碧色春泉流白雲時覓漁樵侶行穿麋鹿羣
覽古發長歎尋幽探秘文娟娟雙徑月流景照夫君

秋夜懷友

玉露洗空碧銀潢澹無波懷人起遐想況茲良夜何俯
聽百蟲泣仰觀衆星多驚鳥未遑息飛鳴擇叢柯中心
百感集豈謂悲蹉跎終羨林居子躬耕樂太和

東臯隱居集陶詩

少無適俗韻山澤久見招結廬在人境種苗在東臯披
榛步荒墟晨出肆微勞坐止高蔭下我行豈不遙繞屋
樹扶疏歛襟獨逍遙涉暑驚秋霜寒風拂枯條時駛不
可稽濁酒且自陶提壺挂寒柯聊以咏今朝

世短意常多久去山澤遊草廬寄窮巷嘉穗養南疇淒
淒風露支司田眷有秋我實幽居士終懷在歸舟有客
賞我趣引滿更獻酌菊為制頽齡酒云消百憂至德冠
邦閭自古有黔婁

宿白蓮寺桂子軒分韻得月字

幽復阿蘭若，遙謝城闕池。迴白蓮風林，墮青桂月語。
深玄理，釋心清妙香。發道人澹無為，悠然思超忽。

樓上觀蕩舟婦

蕙樓臨廣甸，蘭塘通曲湖。山光落烏几，水影上蝦須。
蕩槳誰家子，輕舟迅若鳬。扳蓮覓嘉藕，剥芡弄明珠。
送訝情婉變，賣眼意踟躕。姑嫜在堂上，返照下桑榆。

春暉樓前玉繡毬十月試花

中園有嘉植凌寒開一枝粉香飄玉質霜氣薄瑤肌豈
愁冰雪妬應負燕鶯期彷彿唐昌觀依稀后土祠撫時
驚節序對酒念睽離太息風塵際看花慰所思

半月池

靈源發龍泓翕停湛空碧影斜瑤臺鏡氣壓橋門壁蜿
蟠菖蒲根巔顛蛟龍跡相期學仙徒握手弄雲液

賦得館娃宮送友人之武岡城步廵檢

驅車閭闔門息駕靈岩下靈岩信清麗維茲館娃所推

子停宵征於焉同覽古夫差昔好奢築宮置歌舞璇題
麗層霄丹碧耀平楚藻幄曳華幔妒寵爭媚嫵采香朝
艤舟響牒暮清暑代謝人事遷商飆動禾黍俛懷諸宮
勝亦復一丘土不作楚囚悲將軍本雄武

題趙仲穆蘭

窈窕楚臯女委蛇佩陸離凌風翳翠袖乘月靡雲旗含
嚔嘿延佇怊悵失佳期涉江采瑤芳將以遺所思

高人養沖素絕粒栖瑤林遊盼瑤華圃珥節閔風岑手

持碧玉苗幽香散煩襟相思不可見落日楚江陰

送張子正謁選赴都

魏哉鵠鵲觀宮堯鳳凰城衣冠列劍佩龍蛇動旗旌碧
漲御溝水聲啼上林鶯覽物寫情思無媿水曹名

次韻答秦文仲

晨興謝囂襟晞髮坐廣庭零露泣叢條初日薄東榮矯
首懷友生惻愴難為情有酒但斟酌莫嗟年運傾

桐川秋夕

驅車復驅車駕言適他鄉他鄉非故里相知邈何方敗
葉鳴寒蛩素月流空房仰眎河漢高安得凌風翔

商飈下木葉遊子寒無衣山川良阻修歲暮胡不歸目
送孤飛鴻羽翼未有依願言守真素毋勞歌式微

史仲先梅雪齋

窮冬霜露繁堅冰凝大澤微陽地底回區萌將甲拆齋
居觀物化光集飛靈白踈梅若高士空谷聊自適操行
雪比潔傾蓋成莫逆綦冠柱下史晤對成三益交誼矢

弗渝惟感流光易永訂歲寒盟忠誠著金石

夜宿福聚蘭若

白露被衆草炎歊頓消散步入重關斜暉薄林樾蕭
然古蘭若幽邃類岩穴同心偶相集論議何鋒發仰觀
河漢高清光流素月秋毫絜可數隱見白玉闕徘徊廣
庭迴涼飈肅毛骨茗飲消渴吻野蔌錯肴核有客僅七
人無酒行百罰庸僧太俗惡決去獸驚狨卷子坐最深
吳霜點須髮衰病目偏盲材澀思枯渴多君儒林英詞

源浩溟渤機錦織流黃佩玉刻削剗或吟行徐徐或寐
坐兀兀人生百年內流光嗟倏忽雄文屹巨碑富貴等
滅沒始問平泉樹何如首陽蕨努力樹勲業毋為事汨
汨

送錢達善之京師

白露漙漙蘂涼颼拂桂枝蕭條平原上黍稌何離離夫
君戒行李撫景動遐思山川氣鬱蔥江河路委蛇青年
事鉛槧說禮教詩書韜鈴秘虎豹奇正分熊羆仰企前

哲學節義矢弗虧行矣保令名黃耆以為期

日夕佳軒

集陶詩

養真衡茅下好爵吾不榮榆柳蔭後園幽蘭生前庭神
淵寫時雨相命肆農耕虛室絕塵想氣徹天宇明涼風
起將夕歸鳥趨林鳴班荆坐松下盃盡壺自傾念之動
中懷千載有餘情

仲春釋奠燕集存道齋分韻得天字

於穆素王廟層構何巋然時維中春月釋奠加豆籩犧

尊酌醴齊鸞刀割牲陟降禮有序對越神在天峻事
既徹俎朝暾曜芳鮮壇杏炫積雪池藻揚輕漣魯叟聖
人胄幽齋肆方筵獻酌儀秩秩論辨言便便浩唱發清
響希聲寄朱弦明時崇禮樂安車政徵賢

題觀泉圖

寒泉落幽澗絕壁凌長松之子逍遙遊遐觀意從容俯
嗟逝水駛仰企高山重蒼頭亦解事換杖以相從

送章生海州吏

微風動蘋末木落海鄉秋冥鴻戾層霄輕橈沂中流沂
流向何許淮水東悠悠青年不擇祿高堂親白頭萬里
起頃步前途遐且修勿云刀筆賤請視漢廷侯

嘉樹軒

雙槐何亭亭交柯蔭華軒昔人去已遠手植今猶存寶
露流層顛醴泉灌靈根枝葉日以茂子孫日以蕃願同
紫荊樹永保矢弗諼

夢鶴軒為殷之秀賦

琳宮肅弘敞華館通曲密蘿月白紛紛竹風清瑟瑟至
人本無夢恬澹志專一頽然羽衣仙胡造規中室同作
釣天遊飛行周八極蝶化漆園吏螳聚槐安國斯理倘
能求至道諒可得

萬竹亭高士圖

參差萬玉立窈窕一亭深不改冰霜操時聆鸞鳳音數
等零陵石詩同淇澳吟頽然二高士允若雙南金臨川
嗟逝水焚香弦素琴昔賢不復作慨想豁冲襟

雲松巢為定之賦

結巢雲松裏幽閒意頗濃松聲發靈籟雲氣矯遊龍采
拾聊可養持贈愧無蹤何當解塵鞅跨鶴以相從

送葛進善遊京師

黃鳥出谷鳴春陽被郊墟遊子觀國光薄言駕輕車龍
虎勢盤踞回合抱帝居先下酈生揖次陳賈誼書
獻納趨金馬校讐登石渠翻憐馮煖輩彈鋏歎無
魚

谿山讀書圖

谿山讀書處衡宇窈且深白雲起層巔嘉禾秀繁陰緬
懷鄭谷耕時為梁甫吟斯人不可見拄笏對遙岑

安素齋

吳淞何渺漫朝夕流不已上有嘉樹林層軒俯江沚之
人樂恬澹脫略紈與綺素履既坦坦安之良有以考祥
保貞吉守默忘賤恥馮高時引望春還景妍美脩篁拂
疎櫺垂楊蔭清泚何當一造門談妙析玄理

竹林高士圖

淇澳水瀾瀾淇園竹猗猗有斐古君子燕坐淇之涯橫
琴未暇彈悠然有遐思興懷仰高躅三復衛風詩

送人歸杭

春水滿南國櫻桃花未紅蘭舟衝雪去家在玉峯東青
山當屋角綠樹覆庭中可憐兵燹後化為蒿棘叢感時
心耿耿話別意忡忡林栖儻相憶題字送歸鴻

寄逸間叟

義天求法地樓閣倚孱顏憶得舊遊日鳥鳴春樹間行
循惠山澗坐對玉岑山逸師既卓錫談玄覺冥頑室飛
花似雨洞鎖鍊為闕安能脫塵鞅卜居相往還

賦得崑山送蔡廣文

之子駕言邁春覽崑丘顛鍾秀自前古著名由昔賢昔
賢去已遠茲山還巋然玉氣潤凝雨鶴聲清聞天遙思
解組日何如入洛年獻納有餘暇為續崑山編

次韻奉答印月潭講師

炯然摩尼珠照彼圓覺海萬恠形靡逃連城價可待夜
光燭蒼冥歷劫耿不改上人心若珠隨方見五彩流通
既無著幻化焉能浼最爾崇令德優遊樂壽豈

斥鷃搶榆枋大鵬搏瀚海所以華門士養志固有待貞
心如皦日豈為窮達改白駒不受繫少微自揚彩大節
苟弗渝微名豈足浼願遂雞黍期共挹南風豈

寄費舜臣印月潭

戶有讀書聲門多車轍跡丈夫豈長貧一椽聊止息草

深蛙鳴池苔滋蝸篆壁俯憐東逝波仰羨南飛翼會心
不在遠佳處輒終日玉子落文枰錦囊出絢帙相過南
山僧戒律謹三尺何如尉遲子酒肉破孤寂

原隰何昀昀華木亦莽莽深村寡輪鞅居民樂生聚水
芝纔著花莎雞又振羽去日尚能推來日詎可數晷景
嗟在苒質性念椎魯何如證無生趺坐不出戶

達人貴聞道仕士重守邊胡為事一室四序從推遷春
花碧色敷夏木清陰圓草木亦有時力田尚逢年嗟余

獲落材兀兀理殘編丈夫慎出處豈為利祿牽榮名若
春花飄散隨風烟疏雨過郊墟水竹生華妍緬懷靖節
翁遇酒輒陶然過溪成大笑此理誰能宣

遊永壽寺謁和義王祠復過興福月潭講師丈室
秋原聊引望野涉自成趣意循洲渚轉目送江波注柳
颼涼拂衣稻露香霑履欲作招提遊已辦濟勝具尋幽
趨遠林習靜得佳處丹碧何焜煌樓觀出高樹繁昔和
義王奮身應君募錫封列茅土勛業垂竹素有子味禪

茲川涂長況值歲暮何相送復相思看雲動悲歌

朝陽有威鳳排雲九天來曉儀瀛海上暮落岐山隈覽
德時一下明良位三台還從嬴家女吹簫向層臺

輕烟林際開素月川上起桂楫擊空明消搖汎容與美
人隔秋水相望不得語臨流折芳馨所思在遺汝

谿上桃始花溪流淨無沙偶得胡麻飯窮源路忘賒樓
觀五色烟中有綠萼華乞與續絃膠相期凌紫霞

鶴巢為龍虎趙伯容賦

伯容宋福王孫

野鶴龍虎至故巢鳳凰顛故巢破勿理新巢小於拳修
頸高結喉玄裳何踟躕曉栖三株樹夕餐五色烟左盼
紫虛君右揖浮丘仙嘯歌空洞章覽景升上玄緬懷塵
外蹤歸來是何年

追賦玉蕊亭小集分韻得谿字

華燈照高宴方舟溯回谿道里雖阻遠何期冠蓋齊青
陽動林莽積雪潤涂泥行酒玉蕊安放歌碧雲低會合
諒有定追賦慰離睽

松林高士圖

層波蕩晴旭長松落清陰曳杖者誰子逍遙散冲襟野
芳發幽香覽古動遐吟美人不可見相望楚江浔

寄題袁仲傳綠筠軒

吾宗有高士種竹封禺顛交柯承寶露密葉蔭璫泉消
搖葛陂杖咏歌淇澳篇儻騎茅龍去為我謝辛鉞

玉山草堂分韻得綠字

草堂秋氣肅清唱送觥船微風下高樹華月麗中天雄

辨酌支遁吟詩懷惠連驚鳥栖擇木流螢低度川撫時
情悵悵感舊意懸懸獨念玉山子冥心息衆緣

賦得泰伯廟送鄭同夫歸豫章

巍巍三讓廟迺在古城阿日月明袞裳殿陞列琯戈萬
世尊至德遺風亘不磨送君廟下路吳江秋水波

谿西草堂

旭日出谿東光照谿西屋屋中何所有牙籤縣玉軸門
當五株柳窻立萬竿竹歸與絕奔競俛爾樂幽獨一笑

歌濯纓谿水清可掬

贈史君美為黃雲卿賦

集藥名

婁有史君子分甘草澤居昔曾青城遊袖秘玉函書質
性既厚朴幼懷鄉曲譽牽牛朝出耕蕭艾手自鉏野藿
香可美籬鞠味堪菹吾友大黃君一病半夏餘維子多
遠志從容駕軒車剖決明表裏調劑氣旋蘓媿乏明珠
報長歌酒頻醺征鴻行當歸徼陽起石渠相思子不見
板桂下庭除

游鴛鴦湖分韻得落字

寂寞虛齋靜
汎覽方舟樂
大隄橫卧虹
飛杠高渡鵲
川陰雲氣生
水濶天光落
荒苔積寶園
壞壘鳴金櫓
余生感糲散
撫景嗟離索
行觴藉草飲
斜陽下林薄

壽寧菴夜宿

偶成綽山游
西風吹落日
大田登禾黍
高林收棗栗
仰羨松栢姿
俯慙蒲柳質
石縣王果崖
花雨維摩室
白雲浮茗甌
縹囊散書帙
撫事困誅求
拯時乏經術
紛爭若

螻螳相持如蚌鷸可憐鴟嚇鼠何異禪處蟲郊居便樵
蕪野服忘巾櫛獨樂五畝園素封千樹橘被酒坐逃禪
銘墓親操筆夢幻前後身道悟中邊密劇談更抵掌展
席仍促膝煌煌斗迴杓耿耿月離畢水聲遠澎湃竹影
互蒙密清坐不知疲東方啓明出

楚雲堂分韻得城字

霜露悴百草風埃闇重城冥鴻奮羽翰肅肅東南征感
時增慨慷豈不懷友生美人忻會面開觴掇秋英燕坐

適清賞高梧含夕清厭厭樂未央明河漸西傾

次韻張貞居明靜院蓮社

東林白蓮社明靜今復建兩峯如五老秀色互爭獻外
史淵明徒高居樂貞遜入社眉雖攢許飲心所願西方
九品華默想不在問何當解塵纓趺坐聽高論

追賦芝雲堂小集

窈窕玉山下樓觀何委蛇丹葩曜陽林金粟綴樛枝感
茲節序遷四筵樂芳時桂酒傾鑿落蘭烟度果思雙歌

聲嫋嫋屢舞影傲傲樂事古難并宿留阻深期何以慰
所懷載歌停雲詩

二月十日西園對雪

艤舟東城阿張宴西園裏遙天黯同雲高軒落䟽雨霏
霏襟霰零冉冉微雪委先集長洲苑亂點脂塘水蹴絮
翻新燕吹花起潛鯉初飛勢斜斜漸積光玼玼淒咽鸞
笙澀徘徊翠袖靡人生貴適意流行隨所止底用銀燭
燃清光照窻几

芝雲堂夜集分韻得相字

今夕復何夕張燕芝雲堂西風度江漢仰見征鴻翔坐
中仙釋侶學道攻文章飄飄鷺鵠姿皎皎金玉相上客
貌蒼古乃是李伯陽憶別昆丘顛十見木葉黃相逢玉
山裏語舊熱中腸促席更秉燭深盃送瑤漿酒闌登雪
巢取琴弦清商一彈別鶴操再鼓鳳求凰人生會合難
引滿重舉觴與子各盡醉憂樂俱兩忘

賦得佳人曉粧


鳥啼瑣牕曙薄寒猶中人綵服龍香炙玉臺鸞鏡陳體
輕腰束素步細韞生塵洗粧初歛笑握髮半含顰柳葉
邀郎畫桃花倩妾勾蜂黃微點額猩血淺塗唇不畏秋
孌妒那愁飛燕嗔淑姿豈長好貞心終不泯願為雙紫
綬纏繞向渠身

柳塘軒聽雨與謝子蘭同賦

憶昔西游時揚颿楚江舩顛風俄送雨洪濤怒掀天飄
搖蘆渚外滴瀝蓬牕邊如馬齒枯萁澎湃驚晝眠北轅

梁宋郊渡河上幽燕窮冬雨載道蹢躅行不前暝投野
店宿土銼寒無烟卧聽耿不寐懷鄉思懸懸前年走亂
離窮途屢回遘一月不見日誰能補天穿相對泣妻孥
所憂溝壑捐間闕戎馬中幸獲窺田園窺園剪春韭桃
李東風妍遙知江湖夜孤燈嗟十年有客毗陵來阜帽
霜盈顛奔逃患難餘與予同可憐豈無道里歸饑火方
垂涎主人敬愛客開尊且留連幽軒落䟽雨秋水滿平
川餘音散高柳似聆清商絃剪燭對床話中心暢憂悵

我還君未回語極重悽然周漢終再昌恩澤沛八埏梯
航四海通歸釣槎頭鰯呼兒帶經鋤白鶴溪之壩異時
倘相覓毋忘聽雨篇



耕學齋詩集卷三

欽定四庫全書

集部

耕學齋詩集卷四

五

詳校官庶吉士_臣龍廷槐

中書_臣劉源溥覆勘

總校官進士_臣繆琪

校對官編修_臣莊通敏

謄錄監生_臣莊文煜

欽定四庫全書

耕學齋詩集卷四

明 袁華 撰

古詩

五言

述懷贈鍾安期

我游錢唐時始識種雲叟
種雲江夏姿意氣傾牛斗
小閣瞰重湖掩映柳州柳
數過南陽君高居宅其右
長身美丰標清廟列樽俎
堂前兩槐樹巍巍葉碩茂
清言坐

竟日炊黍剪春韭極稱安期生疊疊不絕口前年往京
師同汎具區數傳舍遂識君傾蓋若舊友艤舟垂虹側
返照在戶牖鱸鯉烹鳧雁張燈夜置酒哀絃展清商撫
節歌擊缶間別情何長愧乏報璫玖去年南陽歸往勞
或恐後君至我適來良會亦非偶我留洪橋市君宿南
屏阜相過半舍餘觴熟屢奔走迫暮即下榻瓜果襟野
蔌秉燭坐假寐欲睡還掣肘自言上有親龍鍾及黃耆
下無應門兒內乏主饋婦干祿閩中郡風埃面多垢薄

遂終養計奄焉失慈母履霜悲風木居廬歲時久今年
來婁江訪我意彌厚睽茲春夏交新綠暗林藪別君殊
作惡思君歎延首呼酒與君飲中懷與君剖昔如鷹脫
韝今若魚在罟北南屢遭回齟齬動輒咎長歌送君行
輾轉愈懷舊種雲已仙游空空泉瀏瀏南陽往泉南未
省回轅否相逢倘問予為言安畎畝

次韻雲扉講師游南山有懷張外史舊游

昔陪張外史躡雲上崔嵬前登風篁嶺酌泉蒼蘚堆後

度麥岡重荒墳際蒿萊陵谷嗟變遷覽茲良悲哉維時
莫春初鳥乳聲喧歷行循靈石澗坐覓繡經臺萬竹森
玉立雲扉絕纖埃楊氏椒房親葬母此山隈想當全盛
日軒蓋如雲來至今清壑亭金鋪照莓苔行觴藉草飲
蔬果襍櫻梅賴彼二三子促席相延陪醉題素壁間辭
翰粲瓊瑰掩映房山詠光恠燭九垓騎鯨上天去化鶴
何年回二妙不可作撫卷心孔哀

送張師允銓選江西

豫章古名郡上應翼軫躔山川互聯絡直與荆蠻連帝
憂南服遠何以寄蕃宣相臣躬秉鉞開府大江邊甲兵
洗瘴雨戈舩清海烟黔黎含瘡痍守令賴才賢考績分
殿最三載方起遷謁選詣闕下道里阻且綿廷議經濟
臣銜命出典銓張君廟廊器授節斧宸前輶車適楚越
春花正芳妍奸貪宜屏黜廉慎屬陶甄憶昨識君初乃
在婁之孺別來六載餘懷君思煩悃盜賊各已息徑上
官河舩側聞江淮間斗米錢三千爨骸易子食溝壑多

棄捐遴選得循良庶可解倒懸黽勉王事畢綵衣舞跼
躔矧茲休明運獲見忠孝全離別不足惜載歌皇華篇

次韻顧玉山感懷

金粟老禿翁喪女及二婦情鍾政我輩況爾中年後值
茲世濁惡喧呶互紛揉達觀了死生放浪無何有汎覽
經律論一室僅如斗蒲團竹匡床趺坐各雙肘心如大
圓鏡觸處靡不受榮辱既俱忘恒欲烹走狗獨憐孫與
甥哀哀失慈母誰能斷嗔愛毗耶有無垢所談不二法

究竟唯濡首宿業想未償驚心血屢嘔深秋天氣暄桑
柘葉黝黝念子築杭城土石躬自負城高石易盡鞭箠
無所取書來知近況鰲面龜兩手新穀幸登場日夜操
杵臼悉供役夫養老稚曷餬口安得海宇清關塞忘戰
守歸耕對兒女畜雞豢肥壯側聞王師出鐵馬渡河久
中軍霍嫖姚報國忠肝剖鼓行擣虎穴若拉枯共朽捷
書尚未至西風又衰柳思之轉鬱陶澆愁唯有酒興亡
信有數蛇斷秦鹿走荷鍤死使埋四郊多培塿

匡山五詠

看松閣

匡山何崢嶸如拳突中央萬松列巖岫天矯蛟龍翔若
人抱貞節眇柯日徜徉微吟息高蔭燕坐絃清商茅屋
三四楹蘿翠友嵐光謾謾靈籟響陰陰芳晝長采花釀
秫米斲苓充饌糧何殊陶貞白結樓居華陽

烟雲萬頃亭

英英白雲飛瀾漫被巖谷儵若大瀛海洪濤互起伏好

風來自東流膏潤山木攬之不可得卷舒一何速危亭
俯松杪冥搜入遐矚靈物既深潛陰淵寒氣肅有時出
膚寸海宇溥霑沃終乘游帝鄉矯首謝塵俗

在上亭

衆山皆部婁小亭立孱顏仰觀逼霄漢俯視迷人寰一
勺滄溟水數點甌閩山朝暾照澗谷紅紫何爛斑蘭茝
茁石罅鞠叢冒谿灣芳林春夏交好鳥聲關關醉騎黃
鵠去笑挾飛仙還朗吟萊公句高風諒能扳

清高亭

層巒壁亭北靈淵匯亭西野芳新綠合巖扉空翠迷林
深不見日地迴惟聞雞草木氣膠葛六月流冰漸達人
逍遙遊散策凌丹梯澄懷適野性觀物得天倪易同醉
侯講詩為應真題急流能勇退名與三高齊

環中亭

崇岡積蒼雪羅立展屏障巘嶸瑩确中芟夷得平曠四
顧何巍然鏡雲開疊嶂山如衆星列環拱皆北向一亭

據中央勢欲兩相抗天高氛翳消春還淑氣暢激水流
羽觴鳴琴發清唱俛仰宇宙間覽古興慨忼

送友人之明州衛

裔夷倭奴氏僻分帶方東頑嚚罔率化不與中國通椎
結斑斕衣習俗相剽攻輕生蹈巨浸出沒如燂風爰止
崇明里掠虜肆奸宄桓桓張將軍擐甲登蒙衝手中三
尺劍紫電明霜鋒追北海門右殺戮無遺踪執倖仍獻
馘錫爵酬厥功拜命赤墀下進秩佐元戎四明古句章

海水青浮空山川既佳麗人物亦豪雄感別意惻惻懷
古心忡忡南薰吹旆旌小隊羅刀弓長途驛馬疾遠浦
渚蓮紅勉旃同前烈策勲銘景鍾

拜劉龍洲墓歸飲清真觀以龍洲先生遺墨分韻
得何字

龍洲湖海士瘞玉崑丘阿山川邈如昨喬木拱烟蘿偉
哉二三子覽古發歎歌披荆弔遺跡窆石臨嵯峨慨嗟
歲月流奈此湮沒何立闕表墓道大刻盤蛟鼉維時春

戴陽好鳥鳴聲和麗牲拜墓下冠蓋相駢羅山僧出遺
墨保護百年多縱橫廿八字恍若龍騰拔緬懷攜甌
酒風雨渡江沱中原雖在望汨落如懸河安得起九泉
執手野婆娑歸憩玄館夕涼風水微波詩成想丰采寤
寐儻來過

書畫舫小集送謝子蘭過江東分韻得雲字

曲館衆芳歇方塘西日曛曲闌楊柳樹秋水白鵝羣謝
公浮家隱囊盛惟典墳書畫舫自操子前中細君胡不

歸故里故里閭楚氛玉人張離筵高軒水沄沄翼若青
翰舟汎彼江之濱扣舷歌少海問字客如雲糾罍解載
揚探題詩屢分君言適江東研田事耕耘暨屈鴻鵠志
組織雲錦文蹇予風塵表孤陋寡所聞何日往從游騷
壇策奇勲

自錢塘附漕舟汎海至石墩時至正乙亥嘉平廿
三日

平生遠游屐歷覽名山川北上齊魯境西沂荆襄船承

平百年久闕塞靜風烟道里不裏糧朝吳暮幽燕豈意
戎馬生跬步那可前却來錢塘城雉堞雲山連帶甲三
十萬兵革利且堅中軍霍嫖姚智勇開三邊井邑百戰
餘白骨蒿萊纏糧道又梗阻故里難回遘漕侯萬人傑
饒運來江壩倉皇問歸路黃色眉間鮮太守敬愛客江
亭祖離筵臨行重贈詩詩句清且妍暝投海門泊嘽急
鳴哀絃長星蚩尤旗光亘奎婁纏修德弭天變聖主方
求賢黎明衆船開張旗鼓闐闐推篷視海色雪滿羣峯

顛龜赭天設險峽東崖倒懸英雄已陳迹濤浪猶掀天
尚餘射潮箭錢笥大如椽揚颿出海口風靜波漣漣雪
霽天宇高眺遠意所便角東山數點跼跼若墮鳶潮汐
既有程往來誰使然昔人去已遠此理何由宣茲遊信
奇絕宜獨坡翁專舟歸石墩浦微渦生頰顴戴星跼沙
尾借榻營中眠盤餐薦蟬蛤調鹹異肥羶匪私一飯恩
幸獲能生還人生涉憂患所貴道自全聊以慰旅懷長
哦遂成篇

賀梅子玉州判陞同知

崑山古婁縣肇自秦漢置沿革無靡常東西屢遷治張
昭首錫爵習俗頗醇粹徂晉歷唐宋天挺生人瑞王李
文武才范衛廊廟器流風尚不泯比屋敦禮義偉哉教
養功必藉循良吏皇元集大統經國遠垂制乃俾縣陞
州秩眎古男衛牧守責匪輕考最脩五事州介江海交
梯航四方至擊筑吹笙竽化居聯甲第邇年兵旅興連
營舉烽燧征輸星火急慘慘民日瘁不有賢者出何以

慰憔悴夫君列仙曹來作州佐貳炯然玉壺冰宜受纖
芥翳恐窮如鍊石蔬食不二味繡衣觀民風徒步屏車
騎察君能盡職務德布恩惠上卿太尉府待君位不次
區區貪墨徒賸剥崇貨利事露藉其家竄殛及輿隸嗟
彼本無術視茲胡不媿蹇予獲落材佔畢守章句聊以
紀之詩用告諸在位

題畫禾

梅雨暗澤國布穀鳴桑陰吳儂躬耒耜播種廼力任來

牟既登場出水秧森森立苗本欲疏庶防稂莠侵嘉實
秫垂田霑溉雨露深猗嗟周后稷萬世民所欽栢君天
驕子游宦非素心吮墨抽秘思新圖重南金如何祐陵
筆只解寫花禽

送章元師之汴梁

孟秋天氣肅樓船出東瀛微風吹五兩初日明雙旌曉
踰料角險暮泊淮陰城木落原野迴銜枚夜兼程大梁
古魏地昔為宋東京吹臺尚碑几艮岳猶崢嶸弱冠曾

一游興懷動中情
努力保明節
麒麟紀勲名

送陳原夫還鄉

游子念鄉里
難時未得歸
心逐征鴻去
目送孤雲飛
海內同文軌
買舟婁之水
春還雪已消
方塘麴塵起
江傾東固山
遺廟荒墟間
重經舊閭里
感慨淚潸潸
兒童喜君至
烹鮮擊肥晁
親知喜君還
扶老兼攜穉
握手話綢繆
同尋昔釣游
始信還鄉樂
猶勝萬里侯

崑山五詠

婁侯廟

婁氓尚淫祀祠廟徧村墟疾病罔醫藥奔走訛羣巫椎
牛醺酒醴婆娑樂神虞神不歆非類傳記言豈誣聖人
制祭法有功則祀諸崑山漢婁縣舊邑永與與婁縣名
尚存今在城東隅張昭泊陸遜封婁犢自吳桓桓孫將
軍仗鉞東南驅升堂拜昭母情好昆弟如策薨受顧命
擁立運謀謨諫獵止酣飲禮下魏使車忠言不見聽託
疾居里閭舉邦憚威嚴卒年八旬餘伯言雖後出智略

雄萬夫權配以姪女數數詢良圖一從呂蒙舉乃修荊
州書潛軍克公安徑進守宜都走蜀夷陵城威休夾石
區相吳柄國命上䟽陳立儲赫矣兩侯功彌久而弗渝
太守念婁氓報本昧厥初淫祠既撤毀左道咸剪除改
祠祀婁侯像設崇屋廬復覩漢威儀清風肅貪汙遂令
此邦人車蓋相填於雨暘及疾疫走禱來于于穹碑紀
顛末大刻龍騰擎于以告來者并解婁氓愚麗牲歌送
迎萬世奠厥居

王御史墓

有宋建王極汴京鬱嵯峨仁化浹邇林林英傑多崑
山雖僻左士風粹而和明經擢高第踵接肩相摩御史
鄉先生學術正不頗五傳究終始脩論訂舛訛粵在宣
和間衰然中魏科初主麗水簿言事何委蛇說書輔春
坊執法居諫坡從容荅時相直氣凌太阿范公在館下
詰責加切磋卒為廊廟器詞源浩江河高弟沙隨程入
室非操戈宋史書列傳耿耿名弗磨世變陵谷遷百年

無幾何城南新漕里荆榛埋銅駝景行世仰止高風激
頽波門牆既有限樵牧安敢過再拜重興感臨風動悲
歌荒苔封斷碣太息為摩娑

李侍御墓

散步城南門始得圓明里宰上木已拱泉下者誰氏披
榛踏宿草羨門半孤豸勛闕表阡石云是侍御史力行
敦古學名衡其姓李世家本江都娶婦居婁溪射策明
光殿看花長安市出宰施善教矧肯猛政理至今松陵

月清光照江水拜命登霜臺白簡冠獬廌上言論奸佞
手將逆鱗批勢障狂瀾回屹立中流砥五賢不一肖賦
詠光傳紀掛冠歸落菴著述惜寸晷碩學邃易經集傳
發微旨豈唯淑後進千古垂範軌九原不可作清汨何
澌澌鄉里衆富兒厚葬從奢侈黃腸題湊密券臺文繡
被可憐土未乾荒烟橫斷阯後世仰高躅庶激俗靡靡
復墓限樵牧何異子朱子

劉龍洲祠

劉君廬陵秀習次隘九州倜儻負奇氣辛陳同俠游西
登峴山首北望多景樓長謠過慟哭志在復國讐異材
世間出高揖輕王侯奈何攀桂手不能占鰲頭肆情詩
酒間文焰射斗牛崑山非故里遂為潘宰留五十死無
嗣埋骨東齋陬世代倏變易夷墓為平疇有司重封表
立闕樹松楸何人奠麥飯淒涼土一坏建祠立神主買
田供庶羞仁哉太守心祭祀亘千秋

朱節婦墓

節婦茅氏女嫁為朱虎妻主饋事尊嫜婉婉年方笄夫
官水衡守舅長大農司饌饋轉漉泮功與鄴侯齊廝養
紆青紫第宅切雲霓天道惡盈滿讒言致勅谿舅既瘦
囹圄夫亦為孤纍節婦沒入官詔賜提點師衣袂結兩
兒晝夜呱呱啼義不負所天矢死心弗移抗志厲節操
師亦興嗟咨漕侯卯金刀拙菴比丘尼仗義出金帛以
贖節婦歸幸脫虎狼口寄食居招提仰望浮雲馳目送
孤鴻飛俯視齧齡子良人渺何之百感集衷腸形與神

俱疲為婦當死節為將當死綏一病竟不起孤魂遂無
依楷櫝自京邑歸塋婁江涯孝哉猶子謙具詞陳有司
移文上臺省進奏對丹墀譬比曹令女夫死家誅夷勇
烈雖少異操行豈相違請錄付史館敦俗淑民彞制可
出鴻恩甄表發潛輝荏苒三十年荒墳草離離落日下
牛羊蕪沒少人知僕侯古循吏為善日孳孳大書刻堅
石華表雙巍巍朽骨懷深恩宜獨邦人思感慨成五詠
紀實匪干私

送郭安道陞憲掾

太山何宕宕上與雲漢通
流光洞相射照耀金芙蓉
黃河水湯湯奔流去不已
東下滄海深曾波渺無涖
顧此河山美襟帶鄒魯疆
扶輿孕神秀人物產賢良
粵生我郭君秋水炯雙目
清標頎而長碧梧峙鸞鵠
結髮讀書史浩氣衝八虛
嶄然見頭角頓與衆子殊
周還丈室中左圖右文史
父母有愉容隣里皆仰企
布衣束韋帶簞瓢恒晏如
游心羲皇上自許稷契俱
出門天地寬飄飄

遠游志便欲凌高風赤手搏虎兕西逾秦隴地東沂大江濱為愛九華好結茅栖白雲奈此堂上親鶴髮被兩耳家無擔石儲何以奉甘旨暫捧毛義檄菽水聊怡顏緬懷遠大器置身簿書間朝趨鴈鷺行暮歸問安否克孝復克勤天賦非矯揉耿介守貞潔剖決言便便俯仰泊十載東西郡屢遷冰霜操愈堅剛柔不如吐黃堂飛薦章姓名達烏府八月繡衣使持節江之東薊荆雍榛棘狐狸亦循蹤掄才惟若人修能獲舉援行看補舜裳

曾有五色線黃梅雨初霽移文下桃州隸卒効奔走車
騎擁道周班荆西郭門長途馬蹄疾遥望敬亭山草木
似相識行行至蓮幙挺挺立霜臺平生多抱負今日良
慰懷江左民力疲況乃苦徭役早夕被鞭笞征歛從何
出貪汙挾勢權舞文肆剋奸腹剝民膏血那知稼穡難
蒼生命如魚漈漈在網罟按行來何時問此民疾苦嗟
予一介士幸獲望餘光春風佳麗地文酒日相羊方期
朝暮間坐聽談亶亶恍若秋空蠅弗得附驥尾丈夫志

四海慷慨輕別離願言樹勛業高步青雲梯

陪陳彥博編脩游永壽寺

積陰不成雨朝光散林丘郊原春意動薺麥青油油東
岡直如矢隱見圻上州孤塔倚天外高城枕江流江流
去不返逝者如斯不所忻風日佳散步行夷猶豈憚凍
泥滑言往梓峯游梓封竹樹深好鳥鳴相酬梅蕊吹殘
香飄雪霑衣裘慨想呂王孫掉臂辭封侯建茲阿蘭若
施以良田疇憶昨結構初甲子方一周香鐙夜達旦奉

祀綿千秋志異蚩蚩氓泯滅同浮漚壽師禪門秀叅學
踵前脩神駿憐支遁詞華擬湯休倒屣出迎客茗供相
延留寒菰肥勝肉采掇薦新筍物豈有定味適口為珍
羞語深俗慮釋水木生清幽元龍湖海士竭來客滄洲
留題紀雅集佳句鏘琳球賽予髮種種孤昧寡良儔願
為蠅付驥來往結綢繆

送崑山僉知州調嘉定

鳴綠漲江水鵝黃上柳絲二月婁東道燕燕初來時婁

有賢使君白晢美丰姿聯芳五枝桂不數實家兒豈弟
民父母古希今罕有使君不我留涉江采楊柳柳絲弱
嫋嫋江水流瀾瀾柳衰江水涸邦人思未已

賦得菊隱

菊如隱君子宜逐桃李妍嚴霜萎衆草獨秀秋風前采
擷充服食甘馨能引年夫君豐城劍光燭牛斗躔韜采
不自獻與菊同貞堅孤標迥高潔豈隨寒暑遷決獄有
陰德勉旃企前賢

耕讀軒集陶詩

少無適俗韻貧居依稼穡農務各自歸耕種有時息道
喪向千載聖賢留遺跡游好在六經疑義相與析在昔
余多師玄鬢早已白羲農去我久素抱深可惜

種桑長江邊開荒南野際星紀奄將終風雨縱橫至既
耕亦已種及時當勉勵收歛不盈廛冬日淒且厲時還
讀我書竟此歲月駛緬焉起深情懷役不遑寐守拙歸
田園鷄鶩安足恃

題趙希遠萬松金闕圖

崢嶸閬風岑杳渺藥珠宮紫皇中建極金闕凌萬松雲
生金母帳日射玉女窓鳳鳥鸞鶴儔歌聲嚶嚶釵佩
百神集軒蓋羣真從廣樂奏鈞天洞章吟飛空東華主
校籍南昌司考功丹書石室闕瓊簡金泥封下眎屍行
徒不啻糞壤蟲驢也富文藝疏派天潢中凝神入遐想
含毫寄遺蹤粉墨落縑素樓閣間青紅安能往從游伏
闕陳丹衷願乞愚與魯老為田舍翁

露筋廟書謝瓊樹所藏米南宮帖後

南踰召伯埭北望高郵城舍舟陟平陸散策舒羈情蕭
條原野迴寒日慘光晶行行止叢祠虛堂走魑魅不知
誰氏子中坐莫與京父老告我言斯女志堅貞馳驅喪
亂餘與嫂同晨征迫暮不得還沮洳聚蟲蟲嫂居耕夫
舍女宿野嬛嬛失節泰山重視死鴻毛輕黎明筋已露
徧體膏血賴廟食崇象設春秋潔粢盛我聞父老言感
慨淚如傾猗嗟五代時鼎沸紛戰爭廣陵行密據民饑

日搶攘剗剔掛屠肆何異牲與牲孫儒入高郵驅民以
為兵貞女蕙蘭質肯同蕭艾榮緬惟丁斯時辟地故遠
行寧甘野宿死不就有幃生白玉豈受汙歿身垂令名
矯矯長樂老喪亡亦屢更四姓歷十君覲然秉鈞衡所
以米外史穹碑勒新銘謝君雅好古模搨比瑤瓊賦詩
悼貞烈字字鏘金聲俛仰舊游時海內尚承平荏苒三
十年繁華變榛荆豈無青雲士狗國輸忠誠却憐偷生
者犬豕加簪纓掩卷三太息青燈照孤檠

愛日堂

旭日曉蒼涼
流暉照高堂
堂中何所有
鶴髮明秋霜
斑斕綠衣子
眷戀延飛光
養志奉甘脆
介壽陳華觴
曉景薄桑榆
喜懼心皇皇
願日不出沒
長在天中央

倪雲林天平山圖

我我天平山
秀色橫具區
龍門兩崖束
壁立削鋏如嵐
深蘿磴滑岡
回樵徑紆野
禽鳴聲和岩
樹清陰敷遐
觀見夫椒
一點烟中孤
俯眎白雲泉
慘澹在有無
繫誰抽

秘思歷覽摸新圖
仿若楚朱顛
乃是吳倪迂
斯人不可得
安能相與娛
笠澤春水生
悵望正愁予

題待渡圖

停驂長林下
送目大江表
故園雖在望
山徑尚深窈
招舟子來一
葦橫波小
松菊倘猶存
歸耕遠紛擾

倪雲林竹木圖

初陽被原隰
微風度檐楹
修竹弄晴色
嘉禾敷春榮
君隱笠澤上
觀物以怡情
寫生寄毫素
持贈重瑤璫

放鶴亭

胎禽本仙驥駕馭同鸞皇渴飲金莖露饑餐珠樹霜雪
蹊留篆蹟月夜候笙簧暫別踰蓬海偶下息芝塘芝塘
虞仲里奕葉何蕃昌窈窕小亭靜矍鑠阿嬭康朝迎板
輿出暮導板輿翔引吭隨舞綵死頸侍稱觴一舉衝霄
漢重來感喪亡道園遺翰墨銑史志文章俯仰人間世
須臾變海桑

幽居圖

混混幽澗泉鬱鬱嘉樹林水木互膠葛頗愜靜者心書
緇白日靜鳥啼青嶂深茲地可佚老聊以投吾簪

題朱元暉雲山圖

山橫鑑湖曲水落剡谿濱岩扉撲蒼雪石林生白雲回
轅謝逋客采芝招隱君安能馭風去結廬遠塵氛

訪薛鶴齋真人不值

英英三素雲瑤樓出林莽中有仙者徒冥栖在其下手
握造化機足攝天地戶我欲往從之凡骨未能羽唯見

碧桃花循流出谿澗

送權上人兼東諒虛白講師

釋書經律論中分大小乘
繇漢歷唐宋翻譯卷帙增微
義浩河沙究竟諒未曾權師未識面
聞譽如雲騰茲登
雨花堂聞妙心源澄庭眠惠遠鵝臂駕支遁
鷹天池九
萬里扶搖自此升為言虛白翁歸休理寒鐙

耕學齋集卷四